

續修四庫全書



《續修四庫全書》編纂委員會編

續修四庫全書

上海古籍出版社

九七五・子部・農家類

四時纂要五卷	〔唐〕韓鄂撰	一
分門瑣碎錄	〔宋〕溫革撰	四七
農桑輯要七卷	〔元〕司農司撰	七七
勸農書一卷	〔明〕袁黃撰	一八九
便民圖纂十五卷	題〔明〕鄭璠撰	二一三
田家五行三卷拾遺一卷東方朔探春曆記一卷紀曆撮要一卷	〔明〕婁元禮撰	三二三
農書二卷	〔明〕沈□撰〔清〕張履祥補撰	三六五
築園說一卷	〔清〕陳瑚撰	三八七
御製耕織圖詩一卷	〔清〕玄燁撰〔清〕焦秉貞繪	三九一
教稼書一卷	〔清〕孫宅揆撰	四〇五
農桑易知錄三卷	〔清〕鄭之僑撰	四一三
三農紀十卷	〔清〕張宗法撰	四六一

據明萬曆十八年朝鮮刻本影印

四時纂要

〔唐〕韓鄂撰

四時纂要序

夫有國者莫不以農為本有家者莫不以食為本
 雖禹臚冊神農樵梓后稷播植百穀帝堯恭受四時是
 以德邁百王澤流萬世者也後有商鞅務耕織遂成秦
 帝之基范蠡開土田卒報越王之恥下及祖龍狼顧四
 海蠶食諸侯遂焚詩書欲愚黔首唯種樹之法下筮之
 文免陞秦坑不藏曾壁故知賢愚共守之道也管子曰
 倉粟實知禮節衣食足知榮辱誠哉是言也若父母東
 於前妻子餓於後而為顏闔之行亦無一焉說此帶
 甲百萬金城湯池軍無積糧其何以守雖有義軒之德
 冀黃之仁民無粒儲其何以知貴種之術實教化
 先且商辛之有八荒而國嗣不足姬昌之王百里而共
 食有餘非夫天雨穀粟於周而降水旱於紂蓋不務勸
 農之術而無節財之方余是以編閱農書搜羅雜訣廣
 雅爾雅則定其土產月令家令則敘彼時宜采范勝種
 樹之書摭崔寔試穀之法而又韋氏月錄傷於簡閱齊
 民要術弊在迂疎今則刪兩氏之繁無撮諸家之術數
 諱可嗤孔子速富則安問陶朱加以占八節之風
 雲五穀之貴賤手試必成之醞醢家傳立效之方書
 至於相馬醫牛針雞藏既資傳識豈可棄遺事出千門
 編成五卷雖慙老農老圃但冀傳子傳孫仍希好事英
 賢庶幾不罪於比故目之為四時纂要云耳

四時纂要春令卷之一

正月

孟春建寅自立春即得正月節凡陰陽避忌宜依
 正月法會昂中曉心中日入後二刻半為曉雨水
 為正月中氣昏畢中曉尾中凡出行要知昏曉上探梁屋
 所為百事莫不順其早晚是以列子篇有實為切務○天
 道是月天道南行修造出行宜南方吉○晦朔占朔旦晴
 明無雲而溫不風至暮發善而宋賤若有疾風盛雨折木
 發屋揚沙走石絲絲貴貴貴而穀不成晚與旦風雨者皆
 穀貴朔日霧或飢朔日雷雨者下田與麥善禾黍小熟朔
 日雨水猛獸見狼如狗朔日立春民不安○歲首雜占月
 令占候圖曰自元日至八日占禽獸一日為雞天晴氣開
 人安國泰四夷來貢二日為狗無風雨即大熟三日為猪
 天氣明朗君安四日為羊氣色和暖無災臣順君命五日
 為馬如晴明天下豐稔六日為牛日月北晴歲大熟七日
 為人從旦至暮日色晴朗夜見星辰民安國寧君臣和會
 八日為穀如晝晴夜見星辰五穀豐熟其日晴明則所主
 之物蕃息陰晦則衰耗○月內雜占是月一日值甲米賤
 人疫值乙米麥貴人病死值丙四十日旱人安四月值丁
 絲繭六十日貴值戊粟麥魚鹽貴又早四十五日值己米
 貴蚤凶多風雨值庚金銅貴穀熟人多病值辛麻麥貴穀
 熟值壬米麥賤絹布大豆貴值癸穀傷人病多卯月內中
 戌大風從東南來折樹猶熟甲寅庚寅風從丙午來

貴幸深即麥賤午深即麥貴又常以冬至數至正月上旬
日滿五十日人食長一日餘一月食少一日即少一月食
此有據朔日溫正月來賤以十二日占十二月取最風最
寒之日為最貴之月若自一日至五日已來不風雨調和
無寒穀賤正月戊寅巳卯日小風穀小貴大風大貴在六
十日上卯日風從東北來穀三倍貴東來一倍西來賤月
內有甲子春貴而貴巳日溫麥善日溫水善日溫
指善卯日溫豆善此月內出七月穀貴月什貴月人多貴
○立春雜占常以入節日月中時立一丈表竿度影得一
尺大疫大旱大暑大飢二尺赤地千里三尺大旱四尺小
旱五尺下田熟六尺高下熟七尺善八尺勝九尺及一丈

東晉書卷之六

卷之六

大水若其日不見月為上次立八尺表日中時影得一丈三
尺七分半宜大豆凡春夏影短為旱長為病為水秋冬短
為旱長為水霜雷如度即吉他節准此其日陰者前後十
日同占○占月影十五夜月中時立七尺表影得一丈九
尺八尺並勝而多雨七尺善六尺普善五尺下田吉並有
熟處四尺飢而蟲三尺旱二尺大旱一尺大病大飢又上
下弦月色占之青黑晴明主旬有雨黃赤無其雨餘月倣
此○占雲氣立春日見卦用事雞鳴丑時見上有黃雲氣
見氣至也宜大豆良氣不至萬物不成應在其術術在月
旦四面有黃雲氣其歲大豐四方普熟有青雲氣雜黃雲
氣有蝗蟲赤氣大旱黑氣大水又朔旦東方有青氣春多

雨人民疫白雲八月凶赤雲春旱黑雲春多雨黃雲春多
土功興南方有赤雲夏旱穀貴黑雲雷雲其多雨白雲夏
凶黃雲夏土功興西方占秋北方占冬並准此占之又朔
旦日初出時有赤雲如霞蔽日發凶縣帛貴又四面並有
赤雲歲猶善但小旱○占風立春日良風來宜大豆又熟
坤來多寒大豆貴貴在四十五日中兌來疾病興來多風
離來多旱震來霜傷物乾來而霜害物而穀貴坎來春寒
玄春以金亢寒大飢而疫立春而傷五禾春甲乙日必有
風雨無風雨人民不耕又朔日風從南來喪余賤年中旱
西來春喪余貴豆熟東來來賤北來勝西北來小豆熟又
夏余貴東北來大熟東南來來賤朔日無風新陰不見月

東晉書卷之六

卷之六

而溫歲美十倍若大風寒災甚貴從旦至巳即正月貴從
巳至申即二月貴從申至酉即三月貴一日占至三月他
皆倣此風悲鳴疾起災深若小小微動災輕又旦日決八
三日已來不風空陰不見月其年大善十倍又月旦決八
風風從北方為中歲東北為上歲聽都邑人民之聲聲宮
則歲美商則有兵徵則旱羽則水角則歲凶宮商角徵羽
土商角徵羽○占雷元日雷鳴主禾黍麥大
吉正月有雷人民不炊甲子雷主五穀豐稔○占雨朔日
雨春旱人食一升二日雨人食二升三日雨人食三升四
日雨人食四升五日雨主大熟如此至七日已來驗也數
至十二日直其月占水旱春雨甲子赤地千里五日内霧

穀傷民飢朔日霧歲必飢又春三雨甲寅乙卯夏金貴一倍夏雨丙寅丁卯秋穀貴一倍秋雨庚寅辛卯冬穀貴一倍冬雨壬寅癸卯春穀貴一倍若四時皆雨米一石直金一介皆以入地五寸為侯凡甲申風雨五穀大貴小雨小貴大雨大貴若澤瀆皆滿者急聚五穀甲申至己丑已來風雨皆穀貴庚寅至癸巳風雨皆主余折皆以入地五寸為侯五月為麥六月為黍七月為粟八月為穀九月為穀以此則之假如五月雨庚寅即麥折錢他月依此春夏三雨辰蟲生三雨未蟲死蟲生蟲死非獨蝗蜚百蔬五果之蟲同占○占六子正月上旬有甲子則雨丙子則旱戊子則蟲蝗庚子則凶穀收得半唯壬子豐稔○地元指師曠

四時纂要卷一
曰其年一物先生主一年之候齊先生注豐稔先生主苦藕先生主水菰黎先生主早蓬先生主流亡藻先生主疾又月所離列宿日風雲占其國然必察大歲所在金穰水毀木飢火旱此其大經也○占八穀萬物凡八穀各自為陰陽主一貴一賤稻與小麥為陰陽黍與小豆為陰陽粟與大豆為陰陽比八物一貴一賤常以八節日審察其價上增三下減四先一日後一日亦同占若相貴十四五已上可積百倍又入節之日五穀價下一增三萬不失一期在四十五日中又萬物入市候之人言賤者則聚之有姓棄者急之其貴不過一時皆以數倍矣近則一時十遠則三時二百七○元日備新曆日爆竹於庭前以辟除

時進屠蘇酒二月門造仙木即今桃符也主燭寶典云仙木象鬱壘山桃樹百鬼所畏歲旦置門前柳枝門上以畏百鬼又歲旦服赤小豆二七粒面東以盤汁下即一年不疾病闔家悉令服之又歲旦投麻子二七粒小豆二七粒於井中辟瘟又上椒酒五辛盤於家長以獻壽明日可受符錄又元日理敗履於庭中家出印綬之子又曉花子初時凡家之敗簾俱燒於院中勿令棄之出臨令人倉庫不虛又纏懸善炭芝麻糴排掛門戶上却疾痛亦一切之鬼○上會日七日也可齋戒早起男吞赤小豆一七粒女吞二七粒一年不病又初七日夜俗謂鬼鳥過行人家枕床打戶枚狗耳滅燈以懼之鬼鳥九頭蟲也其血或羽毛

落人家凶屋之則吉又凡人無子者夫婦同於富人家造燈盞以來安於床下則當月有孕矣○上元日十五日也可齋戒讀黃庭度人經則令人能資福壽○月內占吉凶地天德在丁月德在丙月空在壬月合在辛月厭在戌月殺在丑凡修造宜於天德月德月合上取土吉厭殺凶凡歲衣安產婦或一切掩穢事月空上吉修造取土月空吉他月不復編敘取此為例○黃道子為青龍丑為明堂辰為金匱巳為天德未為玉堂戌為司命凡出軍遠行商賈移徙嫁娶吉凶百事出其下即得天福木避將軍大歲刑禍姓墓月建等若疾病移往黃道下即是不堪移者轉面向之亦吉○黑道實為天刑卯為朱雀午為白虎申為天

牢固為玄武亥為句陳已上不可犯犯之必有死亡失財劫盜刑獄之事切宜慎之凡用黃道更與天德月德月空月合日者用之尤吉若值大歲黑方五鬼將軍并者雖云不避亦宜且罷世人尚不欲以威力臨之即凶神亦不可以天福凌之也他月倣此○天赦春三月在戊寅吉○出行日凡春三月不東行犯王方又立春後七日為往并立春日不可遠行移徙正月丑為歸忌不可出行還家嫁娶葬立春前一日并癸亥日正月六日七日二十日是窮日寅日為天羅亦名往亡土公不可遠行動土傷人凶晦朔亦忌出行○臺土時正月每日禺中巳時是行者往而不返○四殺沒時四孟之月用甲時寅後卯前丙時巳後午

庚申集卷之六

六

前庚時申後酉前土時亥後子前已上四時鬼神不見可為百事架屋埋葬上官並宜用之○諸凶日子為狼籍已為天剛亥為河魁不可為百事嫁娶埋葬尤忌他月倣此辰為九焦又為九空不可種蒔上官求財為坎河丑為血忌不可針灸出血子為天火巳為地火不可起造種蒔○嫁娶日求婦成日吉天雄在寅地雌在午不可嫁娶新婦下車土時吉此月生男不可嫁四月十一月生女害夫大凶是月納財火命女宜子孫水命女吉木命女自如土命女凶金命女孤寡是月納財土子癸卯壬寅乙卯吉是月行嫁卯酉女吉丑未女妨夫寅申女自妨辰戌女妨父母巳亥女妨舅姑子午女妨首子媒人又天地相去日戊午

庚申集卷之六

七

己未庚辰五亥不可嫁娶主生離又春甲子乙亥害九夫又陰陽不將日丙寅丁卯丙子丁丑己卯丁亥己丑庚寅辛卯己亥庚子辛丑辛亥已上十三日不將日嫁娶吉○喪葬此月死者妨寅申巳亥人不可臨屍凶斬草丁卯辛卯癸卯乙卯壬子吉續壬子吉葬壬申癸酉壬午丁酉丙申丙午己酉辛酉吉○推六道死道甲庚天遁乙辛地道乾巽兵道丙壬人道丁癸鬼道坤辰地遁鬼道癸運往來吉天道人道嫁娶往來吉他月倣此○五姓利年宮姓丑未巳午申酉年吉商子亥申酉年角寅卯子亥年吉徵寅卯巳午丑未年吉中酉子亥寅卯年吉五姓月日時同此○起土葬墓在戌土符在丑月刑在巳大禁北方地屬庚子庚午已上地不可起土備選凶日辰亦避之吉寅為土公月福德在西取土吉月財地在午此黃帝招財致福之地若起屋令人得財大富疾者愈繫者出如不起造即掘其地方圓三又取土泥屋四壁令人富出金匱訣○移徙大耗在申小耗在未五富在亥五貧在巳貧耗日移徙往其方立致亡財口五富日吉餘具出行門○架屋日甲子乙丑丙子戊寅辛巳丁亥癸巳己亥辛亥辛卯己巳壬辰庚午庚辰庚子乙巳丙午已上架屋吉○權鎮正旦元日以鵲巢燒之著側辟矣又廟前草月初上寅日燒中庭令人一家不著天行月三日買竹筒四枚置家中四壁上令田蚕萬倍錢財自來十五日以殘餅糜焚令焦和穀種

種之辟蠹月內甲子拔白晦日汲井花水服令髮白
元日取五辛食之令人開五臟去伏熱元日取小便洗脰
下治脰氣大効四日凌晨拔白永不生神仙拔白日他月
做此拔白八日沐浴去災禍神仙沐浴日○權鼠日此月
辰日塞穴鼠當自死又取前月所斬鼠尾於此月一日日
未出時家長於香室祝曰制斷鼠蟲切不得行三祝而置
於壁上永無鼠暴○食忌此月勿食虎豺狸肉令人傷神
勿食葱蒜令人起游風勿食麥○是月也命童子入學之
暇習方術止博弄令諸丸散煎膏藥余有二膏方手試神
效救人甚多已載在十二月中○祀門戶土地歲時記云
望日以柳枝掃戶上致酒脯祭之齊諧記云吳縣張成夜

於宅東見一婦人曰我是地神明日月半宜以饌糜白粥
祭我令君家春桑萬倍後果如言今人效之謂之黏錢財
○辟五果蟲法正月旦雞鳴時把火遍照五果及桑樹上
下則無蟲時年有桑果災生蟲者元日照者必免也○嫁
樹法元日日未出時以斧斑駁椎斫果木等樹則子繁而
不落謂之嫁樹晦日同嫁李樹則以石安樹丫間○種藕
初春掘取藕根取藕根頭著泥中種之當年著花○附地
刈楮事具二月種楮門中若種榆此月亦同此法○治雞
畦此月上辛日掃去雞畦中枯葉下水加糞○貯神水主
春日貯水謂之神水釀酒不壞○耕田齊民要術云此月
耕地一當五○鋤麥是月鋤麥再遍為良又種春麥○壠

瓜地是月以犁壠其地法冬中取瓜子每數介內熟牛糞
中陳之拾取聚置陰地至正月耕地逐場布種之一步一
下糞壠耕而覆之小生則茂而早熟○種冬瓜是月晦日
傍牆區種之區圓二寸深五寸著糞種之苗生以柴引上
墻每日午後澆之○種葵晦日種之神仙種法臨種必須
乾照子其子千歲不喝地不厭良故彌善薄則糞之葵須
畦種水澆畦長兩步闊一步大則水難勻他畦做此深掘
以熟糞和半以鐵齒和之令熟足踏令堅平下水令
微濕澆下葵子又取和糞土蓋之厚一寸葵生葉然後一
澆澆以早著每一指即爬地令起下以加糞三指即更
種秋指須俟露晞收葵子須俟霜降若以糞蓋經冬收

子謂之冬葵子入藥用○接樹右取樹本如斧柯大及臂
大者皆可接謂之樹砧砧若稍大即去地一尺截之若去
地近截之則地力大壯矣夾然所接之木稍小即去地七
八寸截之若砧小而高截則地氣難應須以細齒鋸截鋸
齒處即損其砧皮取快刀于砧緣相對側劈開令深一
寸每砧對接兩枝候俱活即待葉生去二枝之弱者所接
樹選其向陽細嫩枝如節大者長四五寸許陰枝即小實
其枝須兩節無須是二年枝方可接接時微批一頭入砧
處插入砧緣劈處令入五分其入須兩邊批所接枝皮處
插了令與砧皮齊切令寬急得所寬即陽氣不應急即力
大夾殺全在細意酌度插枝了別取本色樹皮一片圍牢

寸纏兩接樹砧緣瘡口恐雨入纏了即以黃泥封之其砧面并枝頭並令如法泥訖仍以紙裹頭麻纏之恐其泥落故也砧上有葉生即旋去之仍以灰糞擁其砧根外以刺棘遮護勿使有物撥動其根枝春雨得雨尤易活蓋是類子相類者林檎梨向木瓜砧上栗向櫟砧上皆活蓋是類也○狹雞每一科一莖○雞種是月種彈豆豉字蒜瓜瓠葵葵音簡箇微之類○栽樹凡栽樹須記南北枝坑中著水作泥即下樹栽埋令泥入根中即四面下土壓緊上留三寸浮土埋須是深澆令常潤勿令手近及六畜觸觸凡一切樹正月十五日已前上時無多子○種桑收管桑根水淘取子曝乾熟耕地畦種如葵法大不得厚厚即不生符

埋二尺已來常以水澆苗俱出留一茂者豎一木作依以繩縛定勿令風動一年便大但旋去傍枝尤宜濕地○松柏雜木此月並是良時唯果樹從朔及望而止過即少子俗云一年計樹之以穀十年計樹之以木又云一日之計在一晨一年之計在一春故知時不可失也○種榆榆性好陰地其下不植五穀種者宜於園北背陰之處秋熟耕其地以榆澆散播之明年正月附地刈却草覆放火燒之一根上必數十莖條生只留一根強者餘悉去之一年便長八九尺後年移栽之叢長直而且速故三年乃可移初生三年勿採葉亦勿斫利之須留距二寸許三年外賣葉五年堪作椽十五年堪作車轂年年科棟為柴之利已自無算况堪充諸器物其利十倍而復生不勞更種一項地歲收千匹只用一人守護既省人工又無水旱蟲蝗之災心之餘田勞逸萬倍男女初生各乞與小樹二十株種之泊至成立嫁娶所用之資粗得充事夾樹刺榆三種之法略同○種白楊林法秋耕熟地正二三月犁壟中運順一正一倒使寬斫白楊枝如指大長二尺屈壟中壓上令兩頭出二尺成株明年正月剪去葉枝一畝三壟七百二十株六畝四千二百二十株三年堪為桑椹五年堪作屋椽十年堪作棟樑歲種三十畝三年種九十畝歲賣三十畝永世無窮矣○投臘酒前月所釀此月投○合醬此月為上時法已具十二月中若晦日造取初夜於北牆下和

面北銜枚勿語蟲即不生○備種子者事與此月具農
器種子○辟野蟲法具在九月中○辟蝗蟲法以原香
矢雜米種種則未蟲不生又取馬骨一莖碎以水三石煮
之三五沸去滓以汁浸附子五箇三四日去附子以汁和
食矢各等分攪合令勻如稠粥去下種二十日已前將澆
種如麥鉢狀常以晴日澆之布上攤攤令一日內乾明日
復澆三度即止至下種日以餘汁再拌而種之則苗稼不
被蝗蟲所害無馬骨則全用雲水代之雲者五穀之精也
使禾稼耐旱冬中宜多收雲貯用所收必倍煮調糊汁和
澆亦耐旱而肥一畝可倍收○五穀忌日凡種五穀常
以生長日種吉者死日收薄忌日種傷敗用成滿平定開

四時纂要卷一


日佳九焦死日不收范勝書曰禾生於寅壯於午長於甲
老於戌死於申惡於壬癸忌於丙丁又大小豆生于申壯
于子長于丑老于丑死于寅惡于甲乙忌于丙丁又大小
麥生于亥壯于卯長于辰老于巳死于午惡于戌忌于
子丑又黍稷生于巳壯于酉長于戌老于亥死于丑惡于
丙丁忌于寅卯小豆忌卯麻忌辰林忌未寅小麥忌戌喬
麥忌除大豆忌卯按大史曰陰陽之家拘而多忌不可不
知俗曰以時及澤為上策然忌日種之多傷敗非虛言也
如燒穰則害孰理不可知○揀耕牛法耕牛眼去角近眼
欲得大眼中有白膜黃瞳子頸骨長大後脚股開並主使
快旋毛當眼下無詩兩角有亂毛起妙主初買時牽來牛

口開者凶不可買赤牛黃牛為眼者妨主白頭牛白過耳
主群倚脚不正者病毛欲得短密疎長者不耐寒耳多長
毛不耐寒尿射前脚者快直下者不快毛不用至地頭不
用多肉尾骨鹿大少毛者有力角欲得細身欲得圓鼻如
鏡鼻者難壺口方易飼筋欲密鼻欲大而張易牽仍易使
陰虹獨頭者千里牛也陰虹獨頭而白尾者昔寧戚所飼
者陽蓋欲廣陽蓋者夾尾前兩尻上當陽中間脊欲得窄
如此者佳若眾則為雙脊多力不眾者則為單脊少力
○治牛疫方當取人參細切水煎取汁冷灌口中五升已
來即差又取真安息香於牛欄中燒如焚香法如初覺一
頭頭兩頭是疫即舉出外處吸其香氣立止又方十二月

兔頭燒作灰和水五升灌口中差○牛欲死腸腹脹方取
婦人陰毛草中與牛食即差又方研麻子汁五升溫令熱
灌口中即愈此治食生豆脹欲死者方甚妙○牛鼻脹方
以醋灌耳中立差○牛疥方煮烏豆汁熱洗五度○牛鼻
○牛肚脹及嗽方取榆白皮水煮令熟甚滑以三五升灌
之即差○牛蟲方以胡麻油塗之即愈猪肚亦得六畜塗
之亦差○牛中熱方取兔腹臍音此獸之去糞以鹽糝令
吞之不過再服即差○收黑種要術云燕正月生者為上
以其母舍重之時足乳食母乳適盡即得春草而呈兒不
瘦是故十二月及正月生者為上十一月者次之收為種
故羊勿近水傷水則蹄甲膿出但二日一飲緩驅行急行

則傷春寒宜早放秋冬宜晚冬日收圈不厭實架此牆
為廠園中立臺間實勿使停水二日一飲除糞園內須傍
豎柴棚圈匝令棚出牆勿令狼虎得越又恐羊指牆土即
毛不堪入用羊有疥者即須別著○羊疥方藥磨根敲打
令皮破以泔浸之瓶盛塞口安於甕畔令常煖數日味酸
便中用以敷瓦剝疥處令赤若堅硬者湯洗之去痂拭令
乾以藥汁塗之再上即愈疥者多逐日漸塗之勿一頓
塗恐不勝痛也又方猪脂和臭黃塗之愈○羊中水方羊
膿鼻眼不淨者皆以水洗治之其方用湯和鹽杓中研令
細鹹候冷取清者以角子可受一雞子者灌兩鼻各一角
五日後必肥以眼鼻為候未差再灌○羊膿鼻方羊膿鼻
及口頰生瘡如乾癬者相染多致絕群治之方堅是羊圈
中竿頭致板令獼猴居上辟狐狸而益羊差病也○羊夾
蹄方取殺羊脂和煎令熟燒鐵令微熱勻脂烙之勿令入
泥水不日而差○凡羊經疥疥差後至夏肥時宜速賣之
不爾春再發○引羊法家政令曰養羊以瓦器盛鹽一二
外挂羊欄中羊喜鹽數歸哭之則羊不勞人收也○別羊
病法當欄前後作坑深二尺廣四尺荆湖江浙以南多往
是山築可畜羊天往
來皆跳過者不病如有病入坑行宜便別者恐相染也○
貯羊糞牛羊糞正月貯之充煎乳大軟而無患柴火則易
致乾焦也○雜事豎籬落糞田開荒租地修蚕屋織蚕
箔春米此月人開造菜机造麻鞋放人工築垣墻○孟春行夏

令則雨水不時草木先落○行秋令則人有大疫飄風暴
雨恣至黎莠蓬蒿並興○行冬令則水潦為敗雪霜大擊
首種不入○是月也宜蔬齋持戒課誦經文謂之三長月
三長月正五
九月是也



四時纂要春令卷之二

二月

仲春建卯自驚蟄即得二月節陰陽避忌並宜用二月法昏東井中曉箕中春分為二月中氣昏東

井中曉南斗中事具正月門中○天道是月天道西行修造出行

宜西方吉○晦朔占朔日雨稻惡象貴臨日雨多疾病○

月內雜占是月無三卯稻為上早種之有三卯宜豆無丙

午夏禾稼不長是月虹見八月穀貴出西方棺木貴朔驚

蟄蟄蟲朔春分歲凶○占雨月內甲寅乙卯雨甲申至己

丑雨庚寅至癸巳雨雨三辰雨三未巳上並同正月占又

春兩甲子早皆以入地五寸為候○占雷凡雷聲初發和

雅歲善聲聲烈驚異者有災害起艮象賤起震棺木貴歲

主豐起巽霜卒降蝗蟲起高主早起坤有蝗災起兌金錢

貴起乾民多疾起坎歲多雨春甲子雷五穀豐稔○春分

占先立一丈表占影正具次立八尺表日午時得影長七

尺四寸五分宜麥或長短已具正月中其日陰前後一日

同占○占氣春分之日震卦用事日出正東有雲氣青色

震氣至也宜麥歲大善若無青雲氣震氣不至年中小雷

萬物不實人民熱疾應在八月謂其衝也其日晴明萬物

不成陰不見日為上○占風春分日西方有疾風來小麥

貴貴在四十五日中震風來小麥賤而年豐兌風來春寒

人殺翼風來蟲生四月多暴風乾風來歲中多寒雨風來

五月先水後旱坎風來小水艮風來其年米貴一倍春分

以金歲多風○別寢驚蟄前後各五日別寢否則生子不

備○月內吉凶地天德在坤月德在甲月空在庚月合在

巳月厭在酉月殺在戌○黃道寅為青龍卯為明堂午為

金匱未為天德酉為玉堂子為司命○黑道辰為天刑巳

為朱雀申為白虎戌為天牢亥為玄武丑為勾陳正月法

中○天赦春三月戊寅○出行日春不東行驚蟄後十四

日為往亡又二日七日十四日為窮日亥為天羅寅為歸

忌巳日亦為往亡亦為土公春分前一日春分日八亥並

不可遠行○臺主時二月辰時是行者往而不返○四殺

沒時四仲月用乾時戌後亥前辰時丑後寅前坤時未後

申前艮時辰後巳前巳上四時可為百事架屋埋窆上官

皆吉○諸凶日子為天剛午為河魁卯為狼籍丑為九焦

未為血忌卯為天火酉為地火並具正月法中○嫁娶日夫婦收

成日大吉天雄在亥地雌在未不可嫁娶新婦下車乾時

吉此月生男不可嫁五月十一月生女害夫此月納財火

命女宜子孫水命女大吉土命女凶木命女自如金命女

孤寡納財日己卯壬寅癸卯壬子乙卯此月行嫁寅申女

吉辰戌女妨夫巳亥女妨首子午女妨舅姑丑未女妨

父母卯酉女妨媒人天地相去日正具春甲子乙亥害九

夫陰陽不將日可以結婚乙丑丙寅丁卯乙亥丙子丁丑

乙卯丙戌丁亥己丑庚寅己亥庚子庚戌並大吉○喪葬

此月死者妨子午卯酉生人不可臨屍凶斬草丙子庚子

壬子年癸亥寅甲午庚寅庚子甲寅大吉癸亥午壬申癸酉壬子甲申丙申壬午己酉庚申吉○推六道死道○壬天道乾巽地頭內全火道丁癸人道坤艮鬼道甲庚○五姓利月微羽商角皆為利月其利日與年並具在正月門中宮姓凶○起土飛燕在巳上符在巳土公在巳月刑在子大禁西方地囊在癸亥癸巳上地不可起土建造月福德在申月財地在巳取土吉○移徙大耗在西小耗在申五富在寅五貨在中移徙不可往貧耗方凶春甲子乙亥並不可移徙婚嫁入宅凶○架屋甲子丙子戊寅丁亥甲午己亥庚子辛亥癸卯庚辰庚午辛未己巳未癸巳辛巳丁巳巳上最大吉良日五酉日不架屋○種鎮桃杏花此月丁亥日

四時集要卷之六

三

收陰乾為末戌子日用井花水服方巳日三服療婦人無子大驗又此月乙酉日日時此首臥合陰陽有子即貴上丑日取土泥蚕屋宜蚕上辰日取道中土泥門戶辟官事八日沐浴注具八日拔白神仙良日上卯日沐髮愈疾病南陽太守目盲太原王景有沉痾用之皆愈○食忌是月勿食麥傷腎勿食兔傷神勿食雞子令人惡心九日勿食鮮魚仙家大忌○習射順陽氣也○耕地此月耕地一當五也○種穀是月上旬為上時凡春種欲深遇小雨接濕種遇大雨待草生先鋤草而後下子春種即用秋耕之地得仰攏待雨苗出攏則深鋤鋤不厭頻無草亦鋤鋤滿十通粟得八米種穀良日○種大豆是月仲旬為上時每

畝用種八升種欲深再鋤之三四月種亦得但用費子耳肥田欲稀豆地不求熟熟地則葉茂少實若地熟則稀種之葉落盡然後刈之不盡則難治刈訖則速耕大豆性炒不秋耕則地無澤○區種法坎方深各六寸相去二尺許坎內好牛糞一分攪和注水三升下豆三粒覆土勿令厚以掌輕抑之令土種親每畝用種三分糞十三石五斗生五六葉即鋤之早則澆至秋每畝合收十六石○收豆法莢黑莢蒼便須收之過熟則莢落損損太多收豆青莢在上黑莢在下也○種早稻此月中旬為上時先浸令開口樓播撒種而科大再鋤澆若歲旱應時晚即勿浸種恐芽焦不生若春有雨條此種以膠播者如種者五六月

四時集要卷之六

四

中霖雨時拔而栽之苗長者亦可拔之去葉端數寸勿令傷心○種瓜是月當上旬為上時先淘瓜子以益和之著鹽則不籠死先開方圓一尺淨去浮土坑雖深大若雜以就土令瓜不生深五寸納瓜子四介大豆三介於坑傍水性弱苗不能獨生故得大豆以起土瓜生則掐去豆苗○治瓜籠法旦起露未乾以枝舉瓜蔓起撒灰根下後一兩日復以土培根瓜則迴矣鋤則著子多不鋤則少子五穀蔬果皆此例也○種胡麻宜白地是月為上時四月為中五月為下月半前種實多而歲月半後少子而多秕種欲截雨脚若不雨則不雨一畝用子二升撒種者先以耨耨然後撒子空畝澆土厚不生耨時用炒沙中半和沙下之不爾即

不勻不過三遍刈束欲小東大五六束為一叢相倚之候

口開乘車詣田逐束倒豎小杖輕打之斗數取了選聚之

三日一打四五遍乃盡耳八種為胡麻而多油世油麻每

科相去一尺為法若能區種每畝收百石○種芋宜近

水肥地和糞種之區方深三尺取豆糞內區中足踐之厚

五寸取區上濕土和糞蓋其上厚二寸以水洗之足踐

令保澤每區安五等置四角及中央各一等足踐旱則澆

之糞爛芋生一區可收一石等可以備凶年宜留意焉○

種韭韭畦欲深下水和糞與葵同法剪之初歲唯一剪每

剪即加糞須深其畦要容糞故也韭勾頭第一番割棄之

主人勿食非不如栽作行令通鋤割一通以肥糞之令根

不相接為佳如此當築闊如雞○種薤宜白軟良地耕三

遍佳二月三月種八月九月亦得長一尺一根為本必須

乾熟切去強根葉生則鋤鋤不厭多葉不用剪剪則損白

○種茄法畦水如葵法其茄著五葉因雨移之○蜀芥芸

薹並因雨種之二物不耐寒故春種而五月收子○握蒜

條拳者握之否則獨顆而黃中旬鋤三遍無草亦鋤○種

署預山居要術云擇取白色根如白米粒成者預收子作

三五兩坑長一丈闊三尺深五尺下密布甑坑四面一尺

許亦倒布甑防別入土中根即細也作坑子訖填少糞土

三行下子種一年土和之填坑滿待苗著架經年已後根

甚鹿一坑可支一年食根種者截長一尺已下種○又法

地利經云大者折二寸為根種當年便得子收子後一冬

埋之二月初取出便種忌人糞如旱放水澆又不宜苦濕

須是牛糞和土種即易成○造署藥粉法二三月內天晴

日取署預洗去土小刀子刮去外黑皮後又刮去第二重

白皮約厚一分已來於淨紙上著安竹箔上照至夜收於

焙籠內以微火養之至來日又照如陰即以微火養以乾

為度如久陰即如火焙乾便成乾署藥入丸散便用其第

二重白皮依前別照乾取為麵甚補益○又方山厨錄云

去皮於箋籠中磨涎投百沸湯中當成一塊取出批為炙

饅離乳腐為糞免食尤珍入臚用亦得○種地黃法已

具八月收根門中○下魚種上庚之日下種法具四月種

魚門中○種栗法具九月收栗種門中○種桐青桐九月收

子二月三月作畦種之治畦下水種如葵法五寸一子熟

糞和土覆生則數數澆令潤性至宜濕當年高一丈至冬

堅草樹間令滿中外復厚加草十重束之明年二三月植

廳堂前雅淨可愛大則不用草聚已後每樹收子一石其

子生於葉上炒食之甚良白桐無子遠大樹掘坑取栽其

木堪為樂器車板盤合等用○移楸楸無子亦大樹掘坑

取栽兩步一樹種之楸作樂器亦堪作盤合堪為棺材更

勝松柏○種櫟宜山阜地三遍熟耕漫撒櫟子再遍澆生

則得治令淨十年中作椽二十年作屋棟伐而復生凡有

家者向來之木皆宜植十年後無求不給○移椒移大椒

樹二三月先作熟糞泥出即和根泥却行百里猶生若冬
移即須草裏或先生陰蔽映日之地者少寒氣尤須裏
之木尚以性成朱藍能不易質故知觀鄰識士見友知人
者也○種紅花二月三月初雨後速種如種麻法具五月
收紅花子門中○種牛旁熟耕肥地令深平二月末下子
苗出後耘旱即澆灌八月已後即取根食若取子即須留
却滿年方有子凡是開地須是種之不但種也○乾菜
脯枸杞甘草牛膝車前五治當陸合歡法用酒煮八
用爛蒸碎搗入椒醬脫作餅子多作以備一年○種芥取
根子劈破畦中種上糞下水一年即稠苗亦可為菜若作
煎宜多種之○種芥取葉相對生者是真黃青得長
二寸許稀種之一年後甚稠種子亦得其葉甚美入菜用
其根堪為煎木與黃菁仙家所重故附于此○種決明春
取子畦種同葵法葉生便食直至秋間有子若嫌老作醬
種亦得若入藥不如種馬蹄者○種百合此物尤宜雞糞
每坑深五寸著雞糞糞上著百合瓣如種蒜法百合熟胡
不可知○百合麵取根曝乾搗作麵細篩甚益人○種
枸杞作畦種法具十月收枸杞子門中○種園籬凡作籬
於地畔方整深耕三壟中間相去各三尺刺榆夾壟中種
之二年後高三尺間斷去惡者一尺留一根令稀細勻行
伍直又至來年剔去橫枝留距如不留距瘡大即冬死剔
去訖夾截為籬來年更剔夾之便足用焉宜獨蛇鼠不通

兼有龍鳳之勢非直軒人慙笑亦令行者嗟稱次以玉茄
忍冬羅摩植其下抹綴且免違求又助藩籬翳鬱尤宜存
意山居要術用枳殼今謂之臭橘也人家不宜此物為籬
○種大胡蘆二月初掘地作坑方四五尺深亦如之實填
油麻菜豆及爛草等一重糞土一重草如此四五重向
上尺餘著糞土種下十來顆子待生後揀取四莖肥好者
每兩莖肥好者相貼著相貼處以竹刀子刮去牛皮以刮
處相貼用麻皮纏縛定黃泥封裏一如接樹之法待相著
活後各除一頭又取兩活兩莖並前刮牛皮相著一如前
法待活後各留一莖在者四莖合為一本待著子揀取兩
箇用正好大者有者放於坑去食之如此一斗種可變為
盛一石物大此莊子魏惠王大郭之法○種茶二月中於
樹下或北陰之地開坎圓三尺深一尺熟斫著糞和土每
坑種六七十顆子蓋土厚一寸強任生草不得耘相去仁
尺種一方旱即以米泔澆此物畏日來下竹陰地種之皆
可二年外方可耘治以小便稀糞沤沙澆灌之又不可太
多恐根嫩故也大槩宜山中帶坡峻若於平地即須於兩
畔深開溝壟洩水水浸根必死三年後每科收茶八兩每
畝計二百四十科計收茶一百二十斤茶未成開四面不
妨種雄麻黍稷等○收茶子熟時收取子和濕沙土拌筐
籠盛之種草蓋不雨即乃凍不生至二月出種之○種牛
膝已具八月收子門中○續命湯主半身不遂口噤心昏